


Dnevni avaz, 14/03/2008 Udruženje "Dom" najavljuje

Prijave protiv Brankovića i Parlamenta FBiH

Udruženje građana za zaštitu nosilaca stanarskog prava u nacionaliziranim i privatnim stanovima "Dom" do sada je predalo 2.000 zahtjeva za uknjižbu stanova, ali ih je odbijeno 300.

- Problem je i dalje Goran Salihović, predsjednik Općinskog suda u Sarajevu, koji odbija uknjižbu stanova i ovjeru potpisa. Oko 1.300 građana završilo je ovjeru ugovora i potpisa kod notara, ali tu dokumentaciju ne predaju Sudu jer znaju da će biti odbijeni. Nadaju se da će uskoro u Domu naroda Parlamenta FBiH biti usvojene izmjene i dopune Zakona o otkupu stanova - kaže Zoran Žuljević, član Koordi-



Žuljević: Odbijeni zahtjevi

nacionog odbora "Doma".

Taj akt trebao se naći na dnevnom redu jučerašnje sjednice, ali to se nije desilo, te je Stjepanu Krešiću, predsjedavajućem Doma naroda, upućeno pismo u kojem ga upozoravaju da će protiv Parlamenta FBiH i federalnog premijera Nedžada Brankovića podnijeti krivične prijave.

- Poznato je da Vakufska direkcija ne dozvoljava otkup stanova, a Ustavni sud FBiH donio je odluku kojom se izjednačavaju svi nosioci stanarskog prava. Zbog toga zahtijevamo da što prije budu usvojene izmjene i dopune Zakona - navodi Žuljević. *Az. D.*